

黃葉邨
疰詩集

光緒己卯仲冬
吳垣書籤



黃葉邨莊續藁一卷予叔父橙齋先生丁丑以後
六年間所作詩也前集八卷皆先生所手定自丙
子季冬卧闈遭絳雲之燼先生跳身烈焰中支體
潰灼僅而獲全自時厥後先生見彌超學彌劭世
事不復罩眼常擬築別業讀書歸老顏之曰補衲
菴雖不果就而平居坐卧一小閣蒲團棊几一鑪
一編優游其中未嘗輕出也四方車馬造謁與交
遊過從問字者輒戒門以絕即詩文一道平昔所
深知篤好者亦嫌于炫露幾欲焚棄筆硯然海內
詩筒詞版往來徵索者無虛日先生不欲過絕人

黃葉邨莊詩續集序

情亦時時牽率應之憶嘗侍側見案間側理填委
客坐廳事相促迫先生率爾捉筆疾書不移時悉
發遣去初疑倉卒應付不經意之作已而迴環吟
咀各有意理而辭句之工格律之細又無論已此
不獨挾兔園冊剽賊獺祭以誇多鬪捷者無從望
其項背即作家宗匠刻意雕鏤亦有攀躋不上者
矣然每不自愛惜收拾甫脫稿旋棄去頻年所作
都流散于門人親友間其甚者或落長鬚赤脚之
手以爲窻糊藥裹子每見輒掇取之積之既久頗
亦盈帙蓋半抄于友人篋衍所貯半搜之敝楮滄

墨之餘而其散以遺佚無從蒐輯者已不知其幾矣良可惜也歲暮無事料簡巾箱因盡出而彙集之客見而憇曰海內仰望先生近作久矣而恨不得見也盍付之梓以慰其飢渴乎予曰此非先生意也今世操觚之家所謂未有長卿一匄輒災木費紙投贄于時馳逐榮利之場集止津要之地附末光而分餘潤先生方怒焉傷之故年來匿影邨莊深悔姓名落于人間即偶然酬應之作亦如浮雲太虛過而不留窺其心且不欲以詞章末技與學士大夫騷人墨客鬪新奇較工拙以爭長于詞場吟社之間况鏤版流播迹同銜鬻不幾與鈞名營進者同類而共道乎故知非先生意也客曰雖然歐陽子不云乎聚多者終必散苟不及今爲可久計異日者保無湮沒淪落之患乎夫纂輯家集無使隕墜者子弟之責也曷不刻之塾門垂示子姓并使鄉邦晚進有所矜式考問以庶幾于大雅之克繼所得孰多乎予感其言因謀之武岡瑞州兩弟亦各出所藏并甲戌元旦及乙亥春正雨雪喜晴公宴四詩合之得古今詩二百二十餘首相與排續編次釐之爲若干卷固請于先生而授梓

焉讀是編者當求其義蘊之弘寄托之遠與夫沉
浸含咀之深斯得之矣若徒于抽黃對白章絺句
繪間賞之非今日編纂之意也刻既成因記其緣
起于此姪 景洎 謹識

黃葉耶莊續纂序

三



天下

古今

中外

遠近

黃葉邨莊詩續集

州泉吳 之振

甲戌元旦

五十三年得得過殘年光景轉蹉跎知交驚比晨
星少詩卷刪同落葉多罷講不須尋退院探春何
處覓行窩風風雨雨支門好底用糝糕禱孟婆

次青壇乙亥春正雨雪韻

蒼龍稅駕鞭不歸玉龍跋扈橫空飛陰沴沍寒氣
慘裂赤烏凍縮忘炎威虛堂寂寂墮簷瓦溝渠覆
露莽平野吹火土坐燒濕薪擁絮噉詩思靜者農

黃葉邨莊詩續集

書水旱儂未諳夏稅所賴麥與蠶乘船入市語果

驗諺云春甲子雨乘船入市撐持門戶愁丁男推窓檢歷映朝旭

但見三白失紫綠衰遲飢饉劇可憐鼎鼎殘年難
把捉

附原詩

吳震方清壇

破臘迎春春欲歸蟄龍鼓鬣雷電飛甲戌臘月二十日立

春廿一日大雨震電河流倒傾朔風緊三陽之月增嚴威

皚皚積雪冰膠瓦啾啾饑雀睇平野萁葉三

十落復開自去雨雪入春一月未止新年賀歲無行者農家

旱澇老更諳不傷麥豆不傷蠶雪水看看浸



圩岸畚鍤封築煩中男剪破同雲露紅旭春
花桑眼一時綠但願今年雨水平不怕踏餐
吏來捉

喜晴疊前韻

酒徒結伴乘醉歸繞簷絲勝瀾翻飛火珠掀舞魚
龍隨爪牙鬣鬣張怒威星斗闌干月仰瓦生意欣
欣動四野雨便感額晴伸脰忻戚紛然陋儒者田
官頌禱吾亦諳兩歧秀麥瓮繭蠶餅大如盤絲勝
雪今平嫁女復婚男絃管聲高喜晴旭茜紅衫子
裘拖綠郭郎鮑老齊上塲夜半迷藏何處捉

公宴演鳴鳳三疊前韻

黃葉邗莊詩續集

二

身騎箕尾天上歸碧血化作星芒飛青詞固籠黨
援盛鈴山貶謫猶餘威不將碎玉博全瓦公論干
年滿朝野蒼狗白衣頃刻間齒冷笑殺旁觀者戲
局輸贏各飽諳利名蠱毒如金蠶邯鄲盧生病瀕
死猶乞緋衣賜小男父雨雲開轉晴旭花殘葉脫
失故綠黃金不買續命湯焔冷高堂鬼撲捉

次冲陽子和老是菴頭陀韻

葛衫團扇早秋前載伎行觴記十年半硯可曾囊
褚挈曾以小
研奉贈雙聯仍向草堂懸爲寫橙
齋二聯披衣長往輕流

輩叩賦狂歌見昔賢某甲此中殊不會牯牛渡水
正須鞭

何妨問舍復求田蔽影空山意自堅幾載課詩知
力學六時念佛是真禪看雲倚杖時長嘯聽雨關
門正打眠最是懷人惆悵處杜鵑吹血桺飛綿

題心壁萬里一歸人卷

油然一念動天真席帽行滕忘苦辛馴雉靈蛇慈
竹暖斷裾長往彼何人

兒時淚滴蓼莪篇手種松楸五十年將父重君游
子意畫圖一展一潸然

東坡詩集

三

囊空何物獻尊親餅鉢飄然萬里身一匹寄君機
上絹淡衣安穩紫絲綸

輓陳白懷

六書沿襲轉紛綸吳市欣逢井大春短後自應輕
我輩淡衣猶復見先民來尋舊雨無行跡偶覩遺
編一愴神摹取石經留屋壁墨花雲氣吐嶙峋

題胡氏寓壁

至人桑下不三宿小住西軒十日餘獨有清風如
念我時時牀上一翻書

此來連日轟騰醉疥癬搔爬手不停卻似兒時鄉

塾裏比隣怪殺讀書聲

次青壇韻送道勇周萬關外省侍

拈得池塘句春寒雨雪天
離亭看帽影急水記裙
湔自分應遭棄遙知不受憐
分張無一語且共酒杯邊

細碎家鄉事叮嚀慰老親
濕烟縈敗竈涼月動幽
窻吾輩襟期在兒曹
歲月新科名隨地得重此不

貲身

關外爲民者十
弟得入籍送試

題荔支安石榴畫扇

十八學士十八孃安石榴鮮荔子香南北驅馳真

爲口年華鼎鼎笑人忙

題友人携琴聽瀑圖

飛瀑濺濺一派開雲巖霧壑翠成堆如何裘馬佳
公子不怕高寒也獨來

蕭蕭木葉水淙淙流水高山寫未窮滿地溼哇聒
雙耳枯琴端合處囊中

次書升送顧栗巖廷尉給假省墓韻

長安翻覆幾公卿箭括羊腸路不平
驟裏奔騰多捷足布帆安穩是歸程
綠君勁節應投粟笑我酸風合種橙
熨眼家鄉風景好離離阡陌點蔬枰

十年往事記班班
驚看鬚眉失舊顏
把臂可能尋
白社擡頭儘好話
青山酒釀便合歸
家蚤稻熟遇
憐索米艱
何處吳歌催曉夢
數聲柔櫓語溪灣
酬倡諸家過馬卿
新詞麗則復和平
舵樓風雨嚴
文課瑛子單雙記
水程雀腦正肥炊
玉鱠蟹筐初
綻蘸香橙黑甜我
已完殘局何日虛
堂共一枰
得告提携宮錦斑
珪璋特達照清顏
青驄晝暖施
行馬叢桂秋風發
小山上冢正欣逢
社近停車時
復問民艱鬱葱佳
氣西郊外丙舍雲
封第幾灣

題舞劍美人便面

黃葉邨莊詩續集

五

旋轉縈迴絕點塵
雙丸斜拂紫綸巾
馬鞞橫絕粗
能事漫說王即是
可人
垂手譜中分大小
折腰勢裏辨高低
應知渾脫原
非劍弗把蒲葵漫
浪題

東軒疊石次工部韻

卷石盆池小高懷
便不羣鶯梢花作
兩魚滄墨成
雲摹帖趣朝旭論
詩到夜分下帷勤
灑掃香氣自
氤氳

黃葉邨莊偶占

不須支路辨西東
隨分生涯寄此中
舉子當年啜

坦率先生此日號冬烘三間老屋梅千樹十畝荒
園水百弓九九已過殘臘盡更番花信數春風

次韻會常州徐學人

合并何時共一堂蒹葭秋水夢魂長廬鴻自畫清
溪館裴廸來題輞口莊弗以掉頭容偃蹇翻嫌見
面便分張他年著屐重尋處屈曲城郭傍石梁

疊前韻贈箏師陸文生

生憎烏兔去堂堂南北紛馳道路長却扇新篇驚
小陸刺船清嘯得蒙莊細傾官署三升酒亂抹宮
箋十萬張燈炮更殘追昔夢簫聲還記壓釵梁

四語

黃葉邨莊詩續集

六

皆同文生十
年前舊事

題芝巖垂釣圖

奉母歸來從板輿春風消息在菰蘆阿儂會取持
竿意直爲烹鮮自釣魚

綿津魚麥夢西陂

謂綿津
山人

未許芝巖早賦歸此處只

容黃葉老一生占斷綠簑衣

題尤滄湄小像

揖青亭上早春餘堅坐蒲團課佛書雲影池光相
漾處唼花都是放生魚

方咏芝巖垂釣詩滄湄又欲混漁師如何大有滄

浪與合併烟波踏浪兒圖

次韻會李明府 出盡計古書怒未然

總名家藉子 意轉賒過未當年曾

蠟鳳雍端此日也塗鴉年來已作拖腸鼠老去真

同赴壘地記取木蘭花樹底花腔細鼓學摻過

暹羅酒艤遠梯航樂部新聲出未央入座呼茶情

自遠携尊領客句難償水黏萍塊聽魚唼雲閣楓

林見鳥頭佳話流傳詩版在正須警較費丹黃

顏垣斷岍也清幽枯柳殘荷點綴秋不厭蕭條重

載酒為扶衰病一登樓半篙秋水知魚樂百斛蘭

膏散客愁丙夜露濃休跋馬畫橈還擁鄂君舟

馳遙雙魚剝啄喧開絨熨眼解眩昏才優更覺詩

書貴德重方知短褐尊東閣龍蛇題榜去 李侯許子書村莊堂

額 西園草木畫圖存藤蘿 摩抄處百里棠陰

記 淘井 未丈人

井竈農家事最先更兼此井勝甘泉功施夏日炎

敵退澤及比隣灌汲便細糝雄黃綠碎惡徧栽枸

杞為延年儒生事業多如此盡信方書恐未然

題與谷題尤太史早朝圖

黃葉部莊詩集

七

肥膩清高兩背馳歸心已動早朝時火爐頭向衰
翁說弗擬唐人應制詩

得得雙丸晝夜馳歸來兩及歲寒時北山大有關
人在慎弗揮毫漫咏詩

病中口占

上下牀分上下山相呼邪許渡間關目光似豆無
三尺心火如焚有萬端老屋邨經連夜雨敝裘不
耐五更寒因知鍛鍊詩人骨莫作尋常譴謫看
婢媪旁觀語未詳連旬痛楚勢難當去皮割剝同
犀兕登俎煎熬類犬羊庖廂向來輕性命憲章從
此廢雖黃蕨拳菜甲龍孫蟄三韭還須問使郎

香葉邨莊詩集

八

除夕

從前五十七年過只有今年惡趣多兒女關心愁
藥裏機關難料蹙風波已拚龔瞽堂堂去敢學癡
鼓拍拍歌轉眼春光天氣暖可容老子畧婆娑

守歲

經旬不寐坐藜牀偃蹇支離背項強衙鼓藜藜無
紀律寒宵單爲病夫長
年年守歲何曾守小飲轟騰到睡鄉今夜支牀愁
不寐閨人相對話燈光

人日寄各菴主贈張善長令嗣學真詩冊

自從元日到人日日何曾把酒卮
土垠似憐人卧病草堂不見客
題詩梅花索笑東風惡
栢子叅禪妙悟遲
鑼鼓場中隨分好
阿師終是木腸兒

病後諸緣盡放空
癩將殘句繪春風
斑鳩自共雌

雄語強把陰晴誤
老農

人日令食櫻桃

時丁丑閏三月十三日後二日立夏

冥冥細雨殿殘春
又見櫻桃入座新
節物相催如

電掃那堪料理白頭人

會業部莊詩續集

題文休承畫卷送心磴歸開先

九

流行坎止兩蒲鞵也踏紅塵得得來
要識廬山真面目今朝老眼為君開

三牲五鼎笑橫陳
菽水誰能供老親
將父羨他方外士
悠悠都是斷裾人

茂苑當年數二承
規撫芳躅世何曾
敗繒零落風流在
領取文家最上乘

朗月清風無定相
蒼松翠竹照高原
今朝誰上開先坐
不是壁公是定園

次趙伸符太史韻題書升令嗣摩頂詩冊

老態入鬚髻把鏡每自驚籠中閉羈雌候至時一
鳴荒墳搖宿草同社半晨星所喜勞侯歸招坐竹
間亭刺譚晝達夜茗戰間酒兵令窮幽事出句險
巧思生樺燭燒媚媚簷花落冥冥細碎速鹽米齋
泓盪滄溟膝上着文度罄折解送迎阿姊相肩隨
蘭若挹菊英誦詩瀉瓶水句讀聲鏗鏗婢媪通吉
語閨房娛閒情殘臘亦舉子添丁笑頰齡酌我老
瓦盆浮君犀兕觥聰明勝愚魯置喙且勿評安即
將碎盤牙牙學呼兄

題朱山言學詩圖

東坡詩集

十

傳家詩格自清真銀鍊成五字新雪作精神冰
作骨肯將門第去驕人

溫柔敦厚傳詩教處事臨民總得宜堪笑吳儂誇
學術一生精力數篇詩

頭觸屏風意自如阿翁教誡黑甜餘誰于畫戟清
香地丙夜篝燈對讀書

梧陰把卷坐藜牀彛鼎旁唐發古香笑我諸兒癡
且黠攤錢纔罷捉迷藏

聚訟蘭臺各異同紛綸擗拾欠精工三家已自無

專說小序何須辨衛宏
豐碑岌業總荒蕪斷縑殘繒共撫摹文獻他年徵
故事中州采取學詩圖

贈星士倪引年

詆訾河洛歐陽子門下蘇曾便不然偶憇虛堂聆
快論自携瓦鼎煮名泉已知占驗同冲晦不用神
竒儻孝先笑我寒巖倚枯木推排合在九摩天

題外孫陳勉之乘風破浪圖

九萬鵬程志豈賒秋高銀漢泛星槎看成宅相他
年事老眼摩挲尚未花

黃集部莊詩韻集

十一

出門底用卜干支吟嘯中流任所之寄語長年牢
把舵欹傾正怕順風時

題鍾靜遠遺照

紛紛越影與超光墮地麒麟却自傷玉輅鹽車同
皁櫪漫將神駿誤支郎
少年酒社並攤書入座春風共羨渠華廡交遊零
落盡自應老子混樵漁

次汪柯亭悼子詩韻

慰藉來羣彥瀾翻各一辭但知誇妙質不復見英
姿夢斷三生石魂銷五字詩恐傷王母意偷淚過

庭時條竿乘興歸來來更去出門何風竹支干

添丁癡老子兩月舉三人

余前年連舉三字

土稱當年識金

環再世身談諧聊翫世絲竹且怡神妙諦非相戲

君來可卜鄰

韻實與致

愈今青次韻奮劉在園觀察

韻實中只書想

詩情磊落復噴噴更有襟期抵海寬休問王前與

盧後應嗤鳥瘦及郊寒緝成翡翠為基篔網得珊

瑚作釣竿叫絕改之新句好為排闥闔拍闌干

曾讀郵籤數卷詩野航晞髮慰相思何妨杜集編

聾叟可許韓門綴呂醫狂擬青籐閒不律老依黃

霍葉邨莊詩瀆集

十一

葉一軍持錢塘小阮風流甚貫酒高歌共論之

謂實

崖

文行田詩韻

簞食壺漿小結綠江城使節正行田羲皇澹泊日

何日虞芮紛爭年復年不事威嚴閒赤棒足徵廉

儉冷青羶輟耕南畝牢扃戶啼鳩聲中只晝眠

疊前韻酬寶嵯姪

小池卷石疊噴噴不礙虛堂十笏寬水鏡幾人堪

月旦冰壺何地挹清寒奇文快讀驚窗牖妙伎隨

身現剝竿乘興偶來來便去出門何用小支干

殘繒敗絹補亾詩冷淡交情耐久思耻作相如依
狗監好從叔度覓牛醫寶崖書來以叔度
礙千頭故及之尊前時輩供

噍點身後高名要護持乞寫肇策君弗讓肯綠野

鶩重義之寶崖書法
最高妙

孟堂臥次韻會魏幼漁團茶驗制登百里莫言親

團坐辛盤飭鼎鑪共于蚓竅發蠅聲消融雪片已

無跡抑勒梅花太不情歌為夜闌催短拍酒嫌戶

小却淩觥朝來歌枕讀新句亂墮黑花笑眼盲

送吳岷夫歸濮川

梅花香好竹風清尋暢樓頭午夜燈此景此情誰

東坡詩讀集

十三

舉似憑君畫取讀書聲

雪壓梅枝韻更清只嫌半落上元燈春餘綠遍梧

桐葉來聽東軒舊雨聲

蔬笋休嫌味太清十年辜負短檠燈五更蹴起披

衣聽漫道荒雞是惡聲

虛堂相對意淒清手注團茶餞佛燈百里莫言歸

路遠夜航柔櫓兩三聲

以甘露餅餽沈達蒼三疊岢字韻

多君詩骨儘嶢峴只欠麤豪酒戶寬徑闢三三遲

甲拆句聯九九正消寒推排廊廟輸餘子位置烟

蘿讓一竿乞得紫芝歌道曲好隨漁父唱長干

糾紛壇坫各論詩孰向源流費苦思白馬辨雄終
是幻黃昏湯好不須醫莫揮麈尾登高座且就烏
皮敝薄持舉世吹竽還建鼓為呼將伯共鞭之

用浩

翁語

沈蒼鹿過黃葉邨莊話別次韻奮之

畧約城郭渡小溪荒榛敗葦隔東西主人偏自過
從懶游客真應咫尺迷隣院老僧同駭鹿應門童
子似生黎君來不用通名字解語紅鸚記舊題

蒼鹿

曾以鸚武見
贈并賦二詩

黃葉邨莊續集

十四

披衣把臂入疎林狂語相看每不禁酬唱多時詩
學減周旋熟處世情淡風來楊柳開新眼月到梅
花見古心乘興而來來便去真如雪夜訪山陰

次韻再柬達蒼

語兒都鄙割桐川只隔邨墟數點烟載酒每將紅
箸裹提魚重把綠莎穿三間老屋曾投轄八詠高
樓兩結綠

謂達蒼
駒驥

好士真應如好色泥人佳句也情

牽

刺舩小泊水之涯再鼓琴聲過子期幾載舌頭乾
挂壁今朝咬口快論詩已從百丈叅前案莫向多

歧問本師我似溪南辛老子長鏡短後更無奇

九里塘看牡丹次呂照甫韻

乘條初發女兒秧十日不雨邨路香游絲搖颺春
晝長酒徒招携山與王呼來急足如風扛忽然茆
舍墮我傍襜如少長登其堂煮茶釘果童僕忙東
西戶牖開蜂房高寒簾幙遮幽芳髮鬢不用巧梳
粧丰姿綽約靜且莊顏顏難于射朝陽誰為題品
追蘇黃紫薇不狂詩乃狂鎔金躍鑪百鍊剛座中
諸客都堅強森森武庫周巖廊曲張出箛箭脫囊
吮毫抽思休閉藏得句不酬真面牆

黃葉邨莊詩續集

五

附原詩

呂 臨 照 甫

渚蒲抽笋魚生秧落花釀成春水香橫塘九
里風縈長相携酒伴尋花王溪邊略約手可
扛畫船直繫桑籬傍入門乍見花滿堂雄蜂
雌蝶何其忙別有一株闕溪房含苞未吐心
已芳恰待麗句催新粧雖殊梓澤藍田莊看
花何處非洛陽花前滿酌鵝兒黃國色微酣
人更狂西河老手推吳剛吟詩愛鬪韻脚強
時時又袖巡迴廊腹中疑有古錦囊我試為
花發其藏榴皮蘸酒書東牆

七

黃葉邨莊詩續集

飲花下有感

十年前記看花至者舊當筵興轉豪

曾同鍾玉行大
葵花下豪飲

彩碁聲驚腦膊飛觴酒政肅旌旄高阡父已吹荒

草秃頂何煩嘆二毛今日看花重結伴夕陽回首

倍蕭騷

沈希道魏幼漁重過九里塘看牡丹再疊

魏子穎發如新秧沈郎秀句古墨香就中棄短取

其長侈大弗作淮南王偏提手掣不受扛看花艇

子官道傍雙井老人叅晦堂捉搦香氣背觸恹庭

花黯淡漸退房慶雲紅獨壓羣芳蘭膏出浴誇新

粧辟疆開府城東莊年年許我踏春陽乞取一枝

姚家黃歸招博徒携酒狂大肉硬餅齒齧剛臨風

筋力猶堅强擘窠大書東西廊淋漓醉墨灑隱囊

主人戶牖休遮藏詰朝觀者如堵墻

牡丹雜咏十二首

一春花事付高眠長雨闌風日放顛準擬青詞煩

好手乞將半月養花天

簇簇青帘賣酒家邨邨鷄犬護桑麻矮橋小徑紫

紆處偏種名花占物華

杖藜徐步任西東，嬾困春光泥醉翁。
老去風情還未減，愛花偏欲愛溪紅。

堪笑香山太過情，強將花事滯王程。
誰能拚作閒蜂蝶，坐卧花間了此生。

青蓮一笑擲春風，三首清平誤殺儂。
狎客兩朝相比並，也應赤鳳勝豬籠。

畫譜宣和事有無，穠輪春暖睡花奴。
日當正午開銅甌，驗取徐熙沒骨圖。

五字風行勅化工，冰心傲骨借雷同。
如何直到開元日，幻出楊家一捻紅。

黃葉邨莊詩集

十七

休噉劉訓邀賓賞，却笑坡公屬句新。
會合此中真富貴，肯將酒錢對閒人。

坡公有墨花詩

一叢翠碧簾深房，相對無言自吐芳。
五色近添培壅法，不須幻術學韓湘。

長篇斷句總紛披，也有秦皇沒字碑。
只恐花神嫌齒冷，狂飈一掃倩封姨。

垂垂烏兔走雙輪，彈指光陰已暮春。
爭向藥欄鬪紅紫，眼前誰是別花人。

茅舍風光儘折磨，牡丹十種九焦枯。
返魂乞得長生藥，不惜千金買一策。

春光張翰能去，去風韻

花翁以農桑為業種花其餘事耳三疊前
正可論詩韻歸之於正讀者弗以殺風景誚之也

大麥剝穗茅針秧海螯燒酒新茶香

大麥茅針海螯燒酒皆農家立夏日

所歌桑陰啼鳥日舒長黃蜂綠蟻爭假王花鬚鄂不

羣趨扛落紅狼藉滿路傍游塵雜還污草堂糞除

又費兩日忙雪白官紙糊蠶房野薔薇揀門簷芳

阿婆把蠶嬾梳粧胥吏不敢窺邨莊家家戶戶拘

陰陽突如繭簇白間黃阿圓逃學鎮日狂剪篲裏

糴堅且剛大團小團打伯強繅絲伊啞坐兩廊小

姑厭勝繭縛囊東南蠶室謹葢藏預祝稻堆高出

牆

通篇皆用諺語

黃葉邨詩韻集

六

巷北洪氏白牡丹一株奇絕賦二絕句小

架竹編茅斗室寬藤梢棘刺護闌干一杯自把南

榮坐種得名花只獨看

白玉盤盃逞色香紛紛紅紫斂殘粧縞衣素袂入

何處徒倚風前欲斷腸

次韻禽墨林上人

不解參禪不學仙把鋤種菜自年年休將葛嶺三

生石錯認齊州九點烟菘蔣榮迴行藥去

石菘蘇州德慶

卷曾一往訊

賃管刻畫有詩傳

費隱和尚坐福嚴時

西林安穩

糞鹽針吼徹鯨魚丙夜懸

有問黃葉邨莊風景者四疊屹字韻會之
麻皮劈斧疊巉屹亂簇礮頭學范寬未肯金膏誇
富貴只將水墨寫荒寒斷垣低亞梅千樹傍水周
遭竹萬竿關得雙扉堅似鐵不容俗物浪相干
年來閉口不論詩也少良朋繫我思艸木形骸堪
自笑烟霞錮疾最難醫打頭屋底邨夫子折脚鐺
邊老住持鼎鼎顛毛將七十空囊敗帚更何之

和漫堂中丞六境圖咏

次元韻

洗墨池

黃葉邨莊詩集

十九

偃蹇落江湖未肯損強梗南榮把卷書淡漠味餘
永刈草拾瓦礫齧苦得甘境泛泛沮如間清池紆
浮苻墨潘貯盈斗弄筆餞脩景俯仰尋遺蹤荒莽
類風影彷彿雪堂基瓦盆薦寒茗郡倅官事簡遂
能事幽屏招手隔江人兩槩蕩漁艇

忘歸巖

講道得籍義此外屏嗜好臨流探脩源登高踞絕
嶠誰謂天地寬不足供一眺尚論千載上幽懷通
廣浩徙倚釋疲勞經尋得孤峭松聲韻笙簧竹影
搖旌燾文成題咏處歷歷契大要飛鴻破冥濛放

眼窮窈窕人境已兩忘微言託長嘯

洛亭

洛水南北津三輔傍京畿
憧憧往來者都爲名利
鞿炎歊畏日烈
沍寒濃霜霏
築亭得小憇
倚筴延清暉
廿年絕西笑
道路記依稀
歸來一把鋤
敢言識先機
鳳皇千仞岡
翱翔覽德輝
搏風九萬里
意豈矜飛翬
下視鷓鴣枝
飲啄相因依

鵲華秋色堂

鵲飛委雙羽
華跼綴瑜環
澄湖照青鏡
白髮羞烟鬟
仙人駕白鹿
時時來山間
良藥奪造化
貽我迴顏顏
金元兩妙繪
遺蹟難追攀
讀畫哦秀句
格老思愈艱
老屋羃槐根
官舍同柴關
爽氣來几牖
公餘且看山

鵲山烟雨圖
見元裕之詩

烟江疊嶂堂

章江山水窟
雲霞開疊嶂
蒼翠有無中
精藍踞其上
恍若丹青手
筆墨幻萬狀
昔年賞心亭
卧雪懸畫幃
至今嫌齒冷
清濁辨趨向
何如綿津公
政閒賡雅唱
遂令名勝區
游覽推獨創
癡兒了公事
醉夢墮滉漾
鼎鼎書年間
華付官樣

滄浪亭

自公撫吳會清樸根禮法既斷俗士緣何妨野老
狎得閒登斯亭細雨點清霄倚檻數耕農歷歷荷
畚鍤世事閱浮雲一笑理葵箠無問賢與愚朽骨
瘞銀匣蘇王遺事傳章蔡穢名壓吊古踵新篇好
句亦不乏典故紛史乘細不漏毛甲咫尺臨頓里
戴紀能言鴨

送徐友之江右

鴈臣秋出逢春去襪被西歸正此時兩世論文如
菊淡六年聚首似星移深杯蠟凍春前酒小閣燈
昏夜半碁笑我低摧同鷓雀招呼何日起藩籬

黃葉邨莊詩續集

三

題過墻猫畫扇

腥羶逐逐走輿僮醞釀豪奢作禍胎大雪袁安正
高卧不容闌入此中來
周遭虎落更何施蹴踏機關竟不疑我築門墻堅
似鏡一枝肯借與猫兒

次宋玉山韻贈金星若

把卷應同識面初衣冠步履想徐徐自慚衰老難
勤學每見英才勸讀書筆法定知暮小令琴心早
已薄相如支公飲馬橋邊宅酒冽茶香記埽除

余

四五時同旦中晦木
飲令祖飲馬橋寓齋

偶以豬羊肉牛乳餅噉粥戲作

將軍負腹手空捫安穩無如咬菜根今日太牢供
噉粥咲他亥卯未餽鮑

次韻送心壁遊黃山

得得來尋黃葉老行滕束縛欲何之何如洗脚關
門了坐破梅黃雨濕時

誰打寒巖午夜鐘紛紛塵事擾心胸十年前有黃
山約夢到天都第一峰

送麗周之河津

兩年契濶方攜手三月團欒又索居莫笑闌干堆

金葉都莊詩續集

三

首荀正須勤苦向詩書桃花水長聽柔櫓楊柳風
清策蹇驢好去龍門問消息不遭點額定何如

陳傅巖副憲招飲適適園即元之樂園也

次集中原韻

卅年披褐過君家絮語前塵一嘆嗟馬埒草香紅
叱撥酒船燈燼玉葱花外間人事如趨影吾輩心
期類聚沙東閣重窺陪未乘清標天半落朱霞
乎泉杜曲各名家過眼烟雲底用嗟繞屋輪囷都
古木點階蒼翠總竒花綺疏隔戶通幽徑略約綠
溪露淺沙剝有巉巖倦登陟再扶柳標踏丹霞

集顧芝巖侍郎鳳池園疊前韻二首

辟疆元屬大方家，羨爾園成在咄嗟。
拍瓮細傾家釀酒，巡簷開遍手栽花。
下春霧氣猶炊黍，過雨星芒似撒沙。
不速朋來成邂逅，可無新句敵青霞。
博箋明瓊自作家，輸贏冷眼一興嗟。
行分玉壘爭三道，子落金錢散五花。
入座瓜香來遠舶，傍人鷗慣宿圓沙。
擘窠倚醉還題壁，吳市喧傳蔡少霞。

題朱莊伯廣文鄧尉看梅卷

堆盤苜蓿淡生涯，枯木寒巖是當家。
眼底悠悠豪貴客，可堪輕許看梅花。

黃象都詩集

戊辰曾到山中住，已及花殘子結時。
話取明年追舊約，爲君把盞重題詩。

題張文一小像

蕭騷鬚髯湛清臚，危坐匡牀不用扶。
更羨終朝梅樹下，好哦新句傲林逋。

雪蕊冰花秀色重，階前流澗響淙淙。
囊書定屬枕中秘，未肯輕開眎阿儂。

送陳友之晉

肯緣行輩不相侔，高卧君家百尺樓。
卜夜碁聲還隔牖，錢春花影尚遲雷。
風輕驢背重分手，雨濕蓬

梢記打頭賣餅壚前新句好懸知倡和有唐求

過滄浪亭次尤悔菴太史韻

爲惜春殘雨壓遲藥欄猶剩兩三枝扶藜未必因
花至也趣遊人雜選時

重到滄浪亭子上看花更要聽琴來古音淡泊能

移性鞦結塵懷可暫開

用子美
記中意

過福嚴寄璿鑑上人

擁絮仍堅坐篷窗鎮不開烟籠前夜雨鐘殷隔溪
雷夏淺還宜麥春殘已作去梅相期桑下宿着屐
幾徘徊

董業部莊詩續集

夜渡江

漕船銜尾帶行舟那得金焦理舊遊夜半潮平風
脚順片帆安穩上揚州

早發

岍草堤花半褪紅一年春事付匆匆朝來底事差
堪喜傍得鄰船使順風

泊揚州弔汪蛟門主事

兩過邨莊辱贈詩夜闌尊酒慰相思琴聲無復鍾
期在徒倚紅橋日暮時

次韻送唐友之河津

塵埃元不點烟霞蒼最源流是大家力學多君雄
萬卷鈍根笑我獵三車病餘餞客囊無酒夜靜論
文燭有花喚起舵樓橫笛手臨風一爲鼓叅差
衰暮筋骸只自憐扶藜重上渡江船瀾翻笑語有
今日風雨清明又一年皂帽少年聯騎去黃紬老
子挾書眠臨歧好寄兒曹話治國真如烹小鮮

鳳池園雜咏十二首

武陵一曲

方舟盪枉渚屈曲山之陰欵乃有餘響桃花何處

尋

黃卷郵莊詩集

五

梅嶺

曾游大庾嶺不見嶺頭梅竭來花下坐烏語勸銜

盃

桂亭

雙井叅晦堂妙諦吾無隱秋山桂子香心境兩俱

泯

御書樓

六龍幸吳越奎藻滿人寰扶藜望雲氣光華牛

斗間

康洽亭

時和歲屢登倉困有餘粟逍遙池上亭摩圍吾事
足

桃浪

桃源在人境故作杳渺觀笑殺劉子驥鑿空受汝
謾

擷香榭

獨
虎落綠周遭青紅蔓樸檉不作兒女花清氛媚幽

岫雲閣

夕嵐山幾疊清嘯竹千箇孤雲自往還主人日高

蘇東坡詩續集

三

卧

古樸

世風習澆儂鎔鑄返澆朴老樹彼何知寧復事雕
琢

陸舟

陸居既非屋水居亦非舟歌舞間殺斂吾儕共沉
浮

芙蓉澗

秋深紅拒霜灼爍臨池開采采寄遠人不語長徘徊
徊

小憇栢子岡藤花傾寒壁倚策心自遠蒼翠呈古
色

次韻答錢塘仇豫菴

詞壇詩帖知多少呬唔聲牙堪絕倒銅鏡畫鼓琵琶
箏前驅郭卽後鮑老嫣然一枝許目成晶瑩冰
雪肌骨清逋仙蛻去簡齋死梅花從此無新聲珊
瑚鐵網笑寂寂却向污泥尋海月天吳紫鳳羞袒
裼肥瘠何殊秦視越虫魚箋釋強解事不作涪翁
辨天闕

黃葉部詩續集

七

題徐學人雲溪草堂圖次朱竹垞太史韻

鞭絲拋却利名場圖史鷄豚共一鄉負米夕葵誰
舉似紡車聲裏讀書堂

溪光雲影護漁磯淡泊襟懷世所希春漲桃花鳧
鴨亂可能閒掛綠蓑衣

簫聲記取過行雲小戶舢船破十分重踏城西黃
葉路傾家新釀定浮君

岼夾東西住宅偏沿堤穩泊釣魚船青蒲翠荇繁
紆處彷彿谿堂是輞川

三子寶芝得孫次袁舒雯題喜報三元圖

不須玉果與犀錢，菜壓金葦布敵綿。莫怪老夫頻
致語，詩書直望後人賢。元宵無事願昌中，貧兒
門闌底用掛桑弧，兆叶龍媒掌上珠。敢望銜環徵
故事，朝來雙鵲噪庭株。元宵今夕，如貪財觀
繡襦珠，欄鬪錦櫳老，又熨眼少年叢尊開竹葉，傾
重碧階，繞榴花，試小紅。

家書笑拆語瀾翻，貰酒狂呼動隔垣。此日僧過摩
凶頂，他年客到賦高軒。金闕萬森
接得珠信

喜麗周南歸疊前送行原韻

黃華邨莊詩續集

三

倚閭念切賦歸歟，計日行程到里居。捉肘且傾千
日酒，伸眉底用萬金書。漳河濁水埋銅雀，華嶽輕
風跨紙驢。乘興出遊興盡返，蚤知題柱薄相如。

祝沈揆生七十

我方髻鬢君年少，尋暢樓頭共讀書。靜按琴徽聽
落雁，狂呼酒盞煮乾魚。時過令子傳眠食，懶踏荒
園欠掃除。今日登堂爲君壽，白頭相對嘆居諸。

書升圓表京邸元宵雅集酬倡中有見及

之句次韻和之

當年情事畧追尋，節序經過總素心。今歲元宵支

戶睡靜聽街鼓到更深
京國紛綸座客多自應英少笑婆娑玉浮梁並金
盤露肯許邨膠入網羅
文社詩壇儘破除白頭親串漸無餘酒闌偶觸松
圓句不及情人我不如
午夜鐘聲吼鏡鯨團蒲枯坐敵心兵身前酒盞猶
拋却身後何煩記姓名

疊前韻

枉直誰區尺與尋相逢當面總輸心汪倫情比桃
花水未許旁觀計淺深

黃葉邨莊詩續集

壬元

雲雨長安翻覆多郭即鮑老兩婆娑炎炎炙手公
卿第彈指門前可雀羅
硯北家緣盡屏除多君白首寶三餘染鬚鴉翅真
難似摹字蠅頭更不如
力搏怒虎刺長鯨指屈羣雄罵老兵不向曹劉爭
座位肯從僮父博詩名

謝分水廣文方又良惠稷粉絲

稷粉忝淘揀擇精筠籠遠寄自山城光瑩菜莖銀
絲鱸滑膩湯浮玉糝羹段氏憲章多品第常家鼎
俎費煎烹何如首蓿盤中味好伴醅葢對短檠

題美人吳蘭圖大半畧闕人林林自慙
雲鬟初整曳裙拖為愛清芬蹴淺莎底事風前渾
不語偏於無意得香多
苔陰綠淨石敬欽靜翫幽香比斷金却笑西陵閒
草木漫隨紅紫結同心
簾前雙燕蹴飛塵斷送光陰九十春寄語深閨休
浪摘惜花正惜看花人

書研背

石有眼不甚明丁
下巖中上也

萬山木落風凜冽欲墮未墮寒蟾滅東方太白光
耿耿殘星半點銜崑缺破屋老儒手皸裂麻沙淨
本鈔不輟詩書發豕糞食報軒車駟馬高門闌白
頭如雪何所求仰天大笑冠纓絕

次韻荅蕭庸齋并送蒼咫姪再游粵東

向說羅浮山水窟經邱尋壑有清音不同河渚白
牛賦聊學南陽梁父吟把酒怕逢生客面攤書歷
見古人心歸期若待梅花發作報真應抵萬金

次韻荅畫師俞體仁

湖海當年賦遠遊乘車戴笠總羊求懂懂阡陌紛
如織讀書讐書欠等儔

落葉堆邊小結邨往來大半屬閒人枯枝自對寒

巖雪未許梅花放早春

謝老揮毫寫舊圖綠簔青箬盡吾徒

謝文侯畫手與
綢畹圖

重

披老淚沾羔袖眼底悠悠孰與娛

虎跑龍井各名家手挹清泉自煮茶莫怪吳趨嗤

浙派酒家墻壁趙昌花

論到源頭心眼開埽除蓬蘽淨氛埃哦成七字荆

山璞漫道寶山空手回

蔗味真應老境嘗雙丸莫厭去堂堂宣和畫譜區

高亞合向龍眠較短長

心畫心聲畫裏詩面牆合費十年思肩挑拄杖空

山去清嘯寒猿聖得知

真集耶莊詩續集

三

菊潭雪後小飲黃葉邨莊賦長句四首次

韻和之

尋詩也儼踏城隈衰鈍無倡和才已辦掃愁同

徑草未應索笑到庭梅久嫌陸羽毀茶具更怪劉

伶覆酒杯底事朝來成一笑新篇卒讀重低徊

不辭今雨出城來杜酒茅柴解凍醅蜂蝶嬾隨游

客去軒窗不待主人開高歌按拍聲猶壯險韻重

聞興未頽我欲提魚就君煮何妨勝事繼歐梅

菊潭

屢招客飲寓齋而不
見及故卒句調之

小效早春

連朝風雨捲塵沙畫出城郭野老家微雪逡巡誰
跋馬夕陽點綴有歸鴉清吟已屬張平子殘碣重
摩蔡少霞棗地楓天黃葉路共擔柳標覓三義
磬折周旋總具文飲人醅酒已微醺稻畦餘穗遲
冬盡僧院殘鐘過夜分落葉幾堆堪蔽影晨星數
點嘆離群紛綸英少看鶯舉自愧當年出岫雲

題顧秋濤石鼎聯句圖

南榮展卷雪光浮妙墨爭看顧虎頭攜拾枯腸無
隻字差排吾輩作劉侯

器具紛綸伴鼎鑄竹牀書卷儘縱橫倩誰翻却昌
黎句墻角還應畫短檠

金粟邨莊詩續集

三

團坐虛堂逼歲除屏風頭觸黑甜餘一丁已辨誇
時輩從此神仙解俗書

寶芝作詩自勉志可嘉次韻示之

釘鉞供攜拾枵腹足禦窮抵掌譚性命論議落下
中每笑河渚徒師席推王通鹵莽與滅裂紛紛計
近功老子年紀衰事事付聾聾雲歸鴻影沒風迅
桐葉空兒曹篝燈火呬唔類童蒙稻穗將登場轉
眼已歲終

附原韻

寶芝

瑞草

家大人授稗史彙編一冊曰此書非學人
正業然亦可資見聞其與爾為游息之
學退而披覽竊識以詩

方恨讀書少敢言時命窮朝來奉庭訓游意
群書中格物徵細碎識解期名通寸陰競尺
璧良非旦夕功束髮逾十載茫然嘆曠聾
息古有學雜博勝空空初筮得山水正始在
童蒙青箱有舊業勗志慎初終

送慧日上人遊秋雪菴

菴在武林城外水渚蘆花
入秋一望如雪余欲築精

舍其傍屬芝兒補
圖戲作一截句

黃葉邨莊詩續集

三

萬頃蘆花一釣舟三間老屋擬菟裘油衣席帽長
安道潑面紅塵客正愁
破屋遮茅小似舟西風蕭瑟木綿裘曉窗錯認梨
花雪惹起春殘一段愁

次韻荅楚雲上人

雪後尋君薜蘿林衰殘已負歲寒心漫言沒字堪
參句好向無絃一鼓琴十笏開堂原似舊三义認
路已非今松聲竹響皆提唱未許逢場便賞音

老妻生日戲用芝兒韻

熱客紛馳肯勒回衝寒蹴雪幾人來年華已分凋

蒲柳仕宦何曾夢棘槐舉案老妻強飯在奉觴穉
子好懷開頭童齒豁真堪笑更笑歎癡意尚孩

附原韻

家慈誕辰恭賦小詩為壽

寶芝

滿城瑞雪報春回得得陽和動地來

時立春
前十日且

喜親年逾一甲還憑祖德植三槐簪裾色暎

門闌盛燈火光聯棣萼開

諸姊文及諸從
兄弟俱在坐

戲折梅

花供壽酒周遭婪尾到嬰孩

次侄蘭同手折臘梅
嬉戲膝下故並及之

題提鞋圖

有小序

前軸諸君詩香艷旖旎已極閱小周后

黃葉邨莊詩集

三四

遺像一則刺眼楚齒不得不作唐突話

弗以殺風景見罪也

纍囚索縛上朦朧重入深宮錦繡叢點點桃花紅

淚染不堪憔悴話東風

弓鞋舞袖泣秋霜月暗雲迷總斷腸

時有亡
妾之戚

欲買吳

綾描粉本畫圖不復見周郎

送顧芝巖侍郎奉 召入都即次畱別元

韻

鼠姑縱後送君行梅子黃時到 帝京自是忠誠

蒙 聖鑒也知學術有鄉評

肯將出處與心違未許旁觀較是非笑殺鷓鴣甘
飲啄舉頭萬里羨鵬飛
櫻桃結子柳飛綿綵繡雲袿伴樂天自有畫船來
載酒不須高挂杖頭錢
雲封丙舍露溥溥墓祭仍如菽水歡二字褒崇
奎藻麗山塘雜遝萬人看

鼎鼎雙丸歲月更輸贏幾局閱棋枰戲拈一子從
君轉冷眼閒情有舊盟

花信風和第幾番鞭絲帽影錢長轅彙征自宅甄
陶地盤礴扶輿御化元

次韻畬談未菴銓部

煩言底事忽間贏得東鄰一破慳

先卦東鄰之席

挑菜已

過修禊日探竒好在讀書山年衰正怕酬高韻酒
醞猶堪挽病顏光耀吳綾幕海嶽青華碧瓊鬪爛
斑

流傳藝苑互爭雄聚訟紛如各異同莫謂斷碑沉
井底應知真帖落江東幾番響榻聊遮眼小本麻
沙儘禦窮賞鑒不逢姜白石拚將聾瞽作家翁
握粟占辭未可憑青山獨往究何曾當年宦海情
原淡此日詩壇價倍增登頓自提高齒屐呶哦仍

伴短檠燈相思不待飄楓葉山逗斜陽見一稜
勝事不須尋令節高賢命駕即芳時馮陵燭跋分
曹速傲兀舟行得句遲舟中奉和三日方就世路正愁千疊嶂
豪門誰絡一鉤絲雅音淡漠忘言處幾載囊琴待

子期

附原詩

談九乾 未菴

武邱長憶餅鑪間月落空梁會面慳丁巳曾遇虎阜遲

我十年成白髮輸公一着穩青山几陳舊器
摩周漢宇孳生綃備柳顏更闢城西烟水地

浪花飛蘆石苔斑

黃葉邨莊詩續集

三

詞場旗鼓角羣雄宋格唐音派未同競搦圓
毫濡硯北誰撐孤柱障川東人惟不俗方堪
拜詩到真工邨在窮百里一溪雙碩果白蘋

黃葉老邨翁白蘋為徐方翁先生別業

由來文福強難憑如此完人得幾曾閒覺世
情隨處淡老於花事按年增粉綿小鏡紅牙
板龍麝新煤白角燈須識名齋元有意橙香
纖手破霜稜

狂名瘦影非生客夏淺春深正好時柳岸挾
風新漲潤桐梢閣雨片雲遲喜嘗驚嫩頰飛

卑惜值蠶荒定滅絲珍重撩零經一卷迴帆
敢負聽鶯期

次未菴絕句韻

猶龍攜拾律全踈新樣章程也掃除長日花陰無
一事輕毫描取彩鸞書

闕頁

衰殘無計却心兵最怕焦桐味太清項領少年催

按拍柘枝添譜十三聲

打十番

題墨竹

錢唐墨竹論支派各各師承未肯降我獨門庭歸
廣大不分南北為低昂諸標岱頂千層雪層逗曹
溪一滴香誰似梅花庵主在揮毫日月共爭光

黃葉柳花詩集

三七

家青壇侍御 特旨起復再疊丁卯元旦

韻志喜

促膝欣同燈燭光送君重返舊班行包魚自昔嚴
筐篚斗柄何煩挹酒漿春雨桃花急輸輓秋風
子重河防歲寒不改青松色種作千年琥珀香

藉甚清時第一人也應鄭重不貲身機當中蔡須
微諷義在批鱗要直陳四馬駕車嚴鞞韞千銖織
錦待縫紉臨歧載拜君應怨臂蹀年來半不仁

袞袞諸賢黃絹薛郵筒寄我為裝池

曾寄送行詩
屬高裝裱

其

秤黑白翻新局畫卷烟巒半舊知癡叔定應嗤武
子惡賓慎弗溷當時功成乞取南園日倚權高歌
與子期

口占書家塾

纏架柔條十姊妹學人嬌語八哥兒閒中景物皆
堪惜莫使兒曹取次知

記廿年前曾題詩南郭斗菴壁往尋之不
但無詩并壁亦不可得矣

廿年塵事馬牛風零落詩題古院中敗壁殘僧同
破竈不堪重話碧紗籠

黃華郭莊詩瀟集

三

菴中老僧手鈔二詩藏弄篋中出以相示

疊前韻謝之

緘滕攜拾笑酸風半付秦嬴一焰中深媿老僧藏
弄在幾番殘紙出筠籠

癸亥題斗菴壁舊作二首

周遭女陽城不下千萬戶藿肉與漿酒生作天地
蠹衣被君父恩終朝只癡坐半夜一聲鐘回頭失
歸路

息影黃葉邨顛當羞守戶鑽研故紙間神仙出書
壺行藥倦即休暫乞僧寮坐領取一杯茶不識趙

州路

外孫胡希賢著錢譜据拾周詳足供博雅
之助爲賦三截句

依稀曾識開元字滅裂誰叅平準書莫笑腐儒鹽
米外魯褒一論費居諸

吳市曾過買錯刀黃金塗抹巧鐫瑯一錢不值柳
揄甚眼見多藏是物妖

一夜飈風萬樹霜紛綸南北互披猖多君頗近遺
山句野史亭中記阜昌

見元好問集

題雁蕩圖

黃葉邨莊詩續集

三九

浙東浙西數百里慚愧篷船隔一江却羨丹青真
妙手收羅幽秀入晴窓

轟壑寒松繞澗藤孤停傑峙集仙靈山川豈獨緣
科第莫怪涪翁笑錦屏

黃葉邨莊詩續集終

黃葉村莊詩其初集先生所自訂也續集則令子武岡瑞艸及其小阮弈亭所搜緝編次也自時厥後又垂八九年先生年彌高學彌邵詩亦益精詣融脫如少陵之老去律細東坡之海外文章昔人所謂精能之至者也然先生之詩率然漫成或口占或授簡初不置冊本又書法妙天下片紙脫稿旋爲人攫去或藏棄或博易遂并詩失之先生既不自省錄而余數年來鹿鹿時奔走長安道上瑞艸亦有負笈成均之役武岡復遷居外舍遂不及盡收錄所存者僅十之二三耳今年首夏余公車

黃葉村莊詩後集序

罷歸即企瑞艸昆季校輯促付諸剞劂氏第皆從零星收拾故都無年次先後又先生篤於故舊老友晚年往來詩版時復把玩寓落月屋梁之意而後學及子弟片語之佳亦汲引獎借故集中做右丞拾遺例附入一二倡和篇什亦先生意也嗟乎先生之詩沾丐海內久矣世徒賞其工妙而不究其由來正如讀昌黎集但見其章妥句適而所謂茹古涵今不可窺校者則未之覩也余館橙齋與先生朝夕者十餘年每見先生詩大都成於對客談笑酒闌游衍之餘初若不經意然他人旬鍛月

鍊苦思力索而未至者先生以自然得之從來苦
撓斂者負蛟螭螻蟻之譏費推敲者蒙荆楮雕肝
之誚先生獨兩兼之此正非可卒乍襲取蓋才分
既卓學識絕高而功力更復深至乃克臻此境界
余嘗謂先生非徒以詩鳴者也特其胸中蘊負之
奇偶寓於詩而一發之耳讀是集者涉其津而泝
其源知其詩之所由來無徒炫耀於絺章繡句而
從事於本原庶不負作者之苦心矣余非敢序先
生集也因與先生周旋久習知先生學問本末因
爲指示其端要願與世之讀先生詩者共勉之而

已康熙壬辰歲端午前三日後學徐煥識

黃葉邨莊詩後集

州泉吳之振孟舉

次韻題宋漫堂中丞聽泉圖

烏兔推遷視兩空
尻輿神馬歷寰中
西陂魚麥追隨處
補我溪邊一釣翁

舉世共矜開府貴
抱經無異老書生
如何燕寢凝香地
擬鑿滄浪聽水聲

柳家新樣貌清癯

畫史柳姓故借用之

不染鴉青點鬢鬚
極目

雲霞飛鳥外
神遊八表運扶輿

勲名事業已無邊
悃悃無華尚歛然
遮眼湖山勝

圖畫便應平地作神仙

次韻富寒泉老人

十年不見寒泉子
披衣一笑仍如如
疔疽誰復識痛蟬
泉明未免爲饑驅
嗟來可棄謝可食
西隣陶汰庖厨餘
悠悠世眼摠皮相
何妨取櫝棄其珠

再次寒泉老人韻示芝兒

少年意氣撼牆壁
追風逐雷我不如
惜無實學饜枵腹
麻沙鈔錄供馳驅
果熟大嚼有剩味
敗葉硬梗皆唾餘
偶憶亾書恍隔世
消閒聊把記事珠

方壻簡庭每至丙夜不能熟睡賦二絕句

盡其意語拙詞鈍深愧樂令矣

有心那得似無心世路機關萬丈深得買癡歎真
種子悠悠誰復是知音

君家三世摠知禪手爇爐香繡佛前鉤取睡蛇須
盡力虛堂安穩得高眠

題天女散花便面

紛綸猿鶴與蟲沙方麴遮塵靜不譁多病維摩方
丈室也無天女也無花

畫竹二首

脫弱氣更衰筆墨何草草作熟須還生味外得幽

重刊部近詩後集

二

討可與解者言難爲俗人道久雨忽晚晴放眼天

地小

太常一株竹江南一定金近時筆墨賤投贈絕好
音蕭條篔簹谷黠澹蒼筤林空山有高士異苔而
同岑雲中少鴻雁把酒成孤斟

生日寒泉老人以詩見祝次韵奉謝

頭童齒豁真堪笑歷數殘年近古稀茅舍定無賓

客到西園剛摘枇杷時東園戴酒西園醉摘盡枇杷一樹金爲語溪張氏故事探音廣

座吾猶健屏跡荒山悔已遲賴有阿師全舉似人

還盡處覓便宜

次寒泉老人歸來菴韻二首

四大摠來無實相，白歸何地覓生涯。茅蓬遮屋門
依舊畧，沿溪路不斜。幾響木魚聽，臍膊一條籐。
杖任丫叉自煨土，堦桑柴火不許閒人浪乞茶。

老去何妨穩睡鄉，百年閱歷幾風霜。閒挑菜甲光
陰速，靜話松根意味長。心借殘燈同一照，身如敗
履摠相忘。如何爽却前期約，黃葉邨中葉半黃。

前曾訂歸老
黃葉邨中

發前韻

生寄死歸方了事，甕雞竈馬各生涯。生薑門外風

黃葉邨詩後集

三

頭惡赤莧山前雨，脚斜解橐投江拜。宗杲攫錢爲
壽笑，劉义六時課誦參新句。未飯鐘聲已飯茶。

到處隨鄉便，入鄉炎天暖日冷。天霜着衣，喫飯無
他事。寫字哦詩，只寸長世上機關何足料。眼前孽
障詎難忘，朝來一筆勾除却。喜動眉間便發黃。

題墨竹

黃葉邨詩後集

三

鄙儒但記篔簹谷，畫竹胸中有成竹。不識畫家落
筆時，雨篠風枝無定局。興到揮毫若有神，如鳥投
林，弩脫鏃，補之梅花子，固蘭詎當俗。派相束縛衰
年腕，弱十指僵，踰麋脫膠毫，穎禿生平未識文湖。

洲燒筍飽噉花猪肉

次韻題射獵圖

校獵真如赴敵場
霜花日彩鐵稍黃
頭鶩射得兼金賞
撇眼飛騰馬脊岡

紫胄金鞍錦縛腰
弓衣細碎簇葡萄
腐儒偏要誇能事
夜寫軍書興轉豪

再次前韻二首

長圍合却便登場
幽葡健兒挽大黃
十矢一時織手發
癡人笑殺卧龍岡

雉兔盈車付炙爇
琵琶隋遍醉葡萄
披圖解取從

黃華都莊詩後集

軍樂不會吟詩也
筭豪

送馬佳山歸姚江

殘臘匆匆又送君
草堂舊事與君論
讀書廂已東西隔
落子牀應上下分
把盞每邀松際月
思親時

望嶺頭雲百官渡口歸
颿急回首江城數雁羣

余讀書橙齋東廂佳山館於西廂余與佳山老手譚皆低極而余累勝一先故三四借以奉譚

次照甫韻題寶芝墨菊畫扇

紅紫紛紛頓放空
一枝肯入少年叢
高擎附萼堪承露
低亞藩籬儘禦風
畫譜幾翻添粉本
詩人一

語重黃中不如挈伴登高去
醉酒狂歌鬪感融

次韻贈王瞻巒

讀君詩句識君遲流水高山繫我思
弗整冠裳笑嵇阮漫塗脂粉
詫嬌施涼風叢桂初開徑細雨
低逢已解維當世文章誰解得
波瀾曹植共襟期

再次墨菊韻

殘繒敗繪摠成空方麩團花自作叢
嫩蕊輕描含

玉露橫枝老筆倚金風不容崔白論
高亞只許徐

熙品上中近日鼠姑矜墨本東籬
何事亦通融

劉訓黑牡丹故事

舟中以鮭魚餽丙齋并賦小詩

真襄都詩叢集

五

河干小泊勝吾廬情話連宵味有餘
食譜定應翻

舊案鮭魚未必遜鱸魚

丙齋會四詩再疊前韻

把鋤誓墓老田廬西笑何緣戀
賸餘湯餅雞豚詩

句在好尋前約為提魚

舊會丙齋詩有前溪釣石待君溫之句

池塘活活護周廬倚檻臨風樂有餘
十載相逢仍

故我君應知我知魚

曾依蘭若築精廬種菜蒔花總緒餘
一覺黑甜真

實相安心不復聽齋魚

曾約燈殘到草廬菱青葑綠已春餘
釣鰲歷盡風

波惡從此盤餐供小魚

即媿妾魚也相訂覓一婢媿老故及之

附會詩

陳

論

丙齋

畫舫行厨小結廬金蓋玉鱸午餐餘我今分
得鄰舟味結網無心更羨魚

船窗拳縮一蝸廬餉我銀魚二尺餘儉腹十
年吾負汝碧山悔不早焚魚

人生大地揔蘆廬兀復浮家兩月餘楊柳畫
橋呼賣酒厨娘船尾薦銀魚

狂呼痛飲舟爲廬卜晝未已卜夜餘無怪連
宵食指動黃魚入饌又鱠魚

言菜茹丑詩後集

六

青戲次丙齋韻二首

行役三年孰許儔花殘子結共淹留竒方那得追

彭老聊借朱顏慰白頭

船窗哦句喜君儔逐逐金閨五日留飽飯摩圍聊
自適倩誰搔癢與扶頭

附原詩

戲作東橙齋

陳

論

穀紋波細綠陰稠繫艇山塘信宿留臙有閒
情聞拾翠斷腸詩辨作纏頭

效惡於舟行東南風厲甚

嫌他風順千颿速怪我船橫百丈遲南北東西難
預料小留底用計歸時

上巳初過日漸長無端一雨換暄涼扁舟我已安

巢居穴處自年年一望金焦別有天未許長年誇
兩槩南風輕送絕江船

登煙雨樓

殘春已盡東風惡猶剩餘寒戀敝裘曉日漸升烟
霧散偶尋遺碣一登樓

虎邱泊舟尋洞明上人次金子靜韻

忪中且向青山住老去真於白足親句裏幾曾翻

黃葉邨詩後集

七

舊案眼前誰復筭閒人黃柑霜後香逾好玉版春
餘味轉新不是曹溪同滴水十年未許往來頻

徐宸望沽酒飲憇雲草堂次韻

吳舫似葉幾過存長雨闌風去打門九老會中誰
是主此君軒裏自言尊敗繪何事煩藏弄一飯從
今費討論不速殘更成雅集良朋勝地豈能諉

鳳亭亦携酒來

上巳初過日漸長無端一雨換暄涼扁舟我已安
欹側長揖君應怨老狂瓦盞細傾知酒醖石欄閒
倚得花香紛綸南北人如織逐隊衝衝爲底忪

見新柳有感

霏微細雨發新條池面風來似早潮忽逗朝光相
挈映周昉描出小蠻腰

枯桐咽處尋歌譜幾疊湘囊絕妙辭每向春風長
挹渡那堪重對柳垂絲

登顧園東樓

吹盡浮雲逗日明凭欄西望塔層層樓高信美非
吾地憑藉春光一再登

對鏡

染固無方鑷也休蕭鬢鬢不禁秋自嘲自慰拋

真業郎莊詩後集

銅鏡未許兒曹笑白頭

小住

桃花人面儘盤桓小住虛堂十日閒借得坡詩聊
自解故鄉無此好湖山

宿山塘

傲兀扁舟泊道傍風絲雨點助淒涼何如矮屋團
圍坐榻袖通紅煖芋香

花朝蚤起

重裘幾疊待香熏今日春寒覺十分起視南榮霜
似雪定知絕少護霜雲

靜存軒偶作

霏霏微雨挽陽春滿地飛花絕點塵默坐虛齋無
一事寰中還未算閒人

題三緘齋圖

樺燭燒殘棄短檠虛堂寂歷戶牢扃三升清酒緣
何事據座高談孰解聽
世態紛紛辨假真當前欲語輒逡巡舌頭掛壁曾
何益不怕狂言怕反唇

以櫻櫚盤貽陳宋齋辱寄詩謝次韻奉舍

番舶西來餉木盤一緘郵寄報平安自誇老大雙
眉迥欲話前因萬慮攢扶荔宮中捫馬酒浣花溪

黃葉郵莊詩後集

九

畔腐儒餐休嫌風味非倫類且共狂歌到夜闌

次宋齋韻

邨莊支戶霜葉落身似律詩苦纏縛荆榛莽鹵遍
西疇圖籍荒蕪冷東閣親知寸步斷往還文字經
年慵述作野航一葉浪出游瞑眩乞求治

平聲老藥

故交把袂喜欲狂眼底紛紛鑄錯烝肫煮酒暫
掀騰鬪彩戩詩餞鴻廓不學涪翁穿木盤漫擬昌
黎餽飲爵盈橐珍竒肆應繁肯以卑官廢酬酢當
年絮語君豈忘我未開言君大噓許尋赤脚伴衰

殘無取雲鬟巧掠削雙箋好寄錦沙魚弗忘酒闌
事輕諾

主閒園叢桂盛開丙齋以詩招飲次韻答之
馬通薪換辟寒香合伴西疇泥草堂巧宦定應輸
拙效春陽元不敵秋光圖書插架吟唔慣松菊編
籬歲月長弗訝歸田年太早自嫌鬚鬢類傖荒
欲追前約已遲遲暮下中乾兩不宜曹掾正思蕞
菜日晦堂剛勘木樨時江湖嘯傲堪容嬾泉石膏
肱也屬私汗簡扶犁同老手新篇全儼劔南詩

附原詩

黃華卯年詩後集

招橙齋看桂

陳論

小山藁桂已飄香肯爲尋幽到草堂百歲得
閒惟晚境一年最好是秋光知交不鄙周旋
久老健猶堪笑語長郁郁菲菲紛在眼石田
茅屋未全荒

歸來陶令豈嫌遲拋却頭銜早自宜北里花
枝尋嬾後南唐葉子鬪殘時溪山是處爲盟
主魚鳥居然亦燕私憑仗吳剛修月斧蟾光
桂影共題詩

次勞介巖韻

左遷未敢浪拋官細字題箋擬彩鸞蟬蟻紛如過
隙易鮎魚真是上竿難胸涵巨海風波少目送孤
雲天地寬去就此中關默運從來浮論出旁觀
桂如房老罷殘粧續命巖花逗晚香把盞持螯容
嘯傲定教日日作重陽

團圞兒女得羣居疊趾瓶罄噉餃餘欲借題糕誇
險韻故將餅餌博軒渠

附原詩

同瑞草婿洎諸兒池上看芙蓉適橙齋以

重刊詩集

花糕見餉走筆代柬

芙蓉初試美人粧池畔風來餅餌香錦簇花

釀甜似蜜始知佳景近重陽

銀餠遙餽野人居製出金閨味有餘充腹大

肅能勝軟飽白衣持送不煩渠

次韵答武塘魏禹平

柳州表陰記先友碑傾麗牲傳永以嗚余交好儘

雜選上自廊廟下郊藪盈囊赤牘壓牛腰蛛網蟲

穿盡灰朽邨莊葉落楫柁紅窠兀瓦盆伴衰叟飯

心淨土聽鐘魚一笑談空與說有大半樵漁共往

還未許時賢爭匹偶水邨魏子吾舊好精勤不事
雌黃口東籬菜熟待熏蒸屋畔橙香堪削剖三秋
病胃苦膨臍止啜清茶絕飲酒爛斑鴨脚聊伸眉
堆垛蟹螯難入手君今策筮上京衢弗忘書來問
安否

附原詩

冬日與竹垞吳門夜話約新春過橙齋奉

訪先之以詩

魏 坤 禹平

竹洲先生吾畏友女陽亭畔別來久五花懶

判不作官嘯傲寄蹤在郊藪日磨徑寸香隄

黃華邨莊詩後集

二二

糜點竄書史垂不朽每當黃葉吹西風獨聳

雙肩着吟叟年來蒼舊論江鄉落落晨星漸

希有白頭無恙述作健君與竹垞乃其偶寒

燈昨剪獅子林遙夜話君不住口爲約早春

赴語溪各抱疑義向君剖因之回思廿載前

橙齋闌入輒命酒響從簾底發清謳亂輓筆

絃自織手世間花月真無邊老去風流尙能

否

園中手植花木四種各賦截句

扁舟一棹入江鄉點綴坡公句子香秋盡尚嫌黃

葉少徧栽鴨脚護邨莊

銀杏

碧苑花下話匆匆拊掌東軒一夢中記取石闌斜

倚處殘繒三尺繪春風

碧桃

品第花香孰與儔風寒月冷倍清幽山中舊有高

人約茶具親携一笛樓

梅

秋林何事一停車雨脚蕭騷夕照斜霜葉漫誇紅

似錦北人不識杜鵑花

鄧暵花

噉菜餛飩頭次山文韵

病餘神氣自澡雪肯學倪迂事高潔庖厨蓬勃扇

芬馥齒豁流涎如箭茁薑辣橙香煩剔扶肉縷魚

黃華邨莊詩後集

十三

羹屏一切弗忘荒殘厭麩屑卅載酸心苦焦熟瓦

盆湯餅笑薄劣銀盃羽化酒羞凸諸君飽噉恣餐

餐勝事真堪描畫頁泉縈玉淨山骨裂殼脫黃中

果剝捏霜風漸緊茶具設却類伊蒲供禪悅不托

牢丸懶區別饅頭聊補起溲缺

東哲餅賦春設饅頭秋設起溲

君詩更

駕肆蹄齧我類加餐廢一噎雲山韶濩發清音虛

堂寂歷小絃絕

附原詩

徐煥山文

街頭白麩白於雪以水溲麩勻且潔酒花作

醉香氣馥蔬甲青青霜後茁園中菜把細挑

挾厨婢持刀紛縷切鉅釘鹽豉殊瑣屑麤籠
大甑湯沸熱肥皮厚肉未爲劣堆盤相餉形
高凸饒口豈復嫌饕餮寒具長防汗卷頁蒸
餅還須十字裂粒妝空煩纖手捏此物原爲
伊蒲設繡佛長齋心所悅况復菜根滋味別
年來牙齒雖半缺一舉數枚猶善齧不用傍
人爲祝噎但怪作詩常帶酸餽氣摩腹一笑
冠纓絕

附和詩

勞岳倫 嶧雲

將軍捫腹耻未雪朝夕釘鉅慚雅潔搗槿燒

黃葉邨莊詩後集

十四

薤香馥馥黃雀披綿脂壯茁好竒食譜細剔
挾束賦字畫辨反切夔夔下豉糝玉屑張軍
作氣餠餠熱體製圓整豈垂劣軟温微作胸
乳凸縮葱加肉笑饒餐渾朴可紀太古頁中
藏生意無破裂似畏羊蹴巧裏捏秀州市肆
頗盛設祇比餛飩鴨可悅 方虛谷詩秀州城外鴨餛飩 左氏公
羊終有別檢點平生須補缺憲章品類資噉
齧搜腸得句喜失噎試教傳與賣餅兒渭城
曉唱更須絕

井再作絕句二首

挿架編籬枳橘香蔬青芥白野蒿黃卅年種菜緣
何事真味今朝得飽嘗

久拋酒盞儘清幽陽羨茶香點瓦甌不用腥羶團
餠子怕他刺眼土饅頭

友人餽饴三種味絕佳作截句二首

中乾兩月怕加餐涼暖酸辛摠不安遠饋麥飴調
胃氣衰年無事蔗漿寒

落葉寒窗酒半醒堆盤饴果餞閒情追思輦轂更
殘後壓擔街心叫賣錫

次東坡韵謝友人黃柑

黃葉邨莊詩後集

十五

橘柚紛然摠可珍重尋藥譜別君臣霜濃未久牢
包裏蜜炙初調尚苦辛作賦定當煩老手郵書正
好伴閒人木奴底用千頭種照眼黃團便不貧

次韻答夏麗亭

石鼎爐中煨榾柮劉侯酬唱挹丰儀湖頭風景如
相約費同年費
異泉適至缸面香清正此時百里種花天上客

荒園鋤菜老農師終宵共話匡廬夢一段風流更

足奇

曾於開先寺心壁
上人處見余詩集

邀麗亭小飲次韻

護霜雲重覆寒林坐擁青羶老態侵連讀新詩知

律細不嫌村釀見情深黃金難買斜川集白髮重
題漢上襟肯踏女陽西郭路扶藜相伴一登臨

麗亭以詩留別再疊前韻

千枝萬葉匝霜林未許紅塵俗客侵已見乘車多
面冷便知傾蓋得交深博山香爇携纖手白越春
遊展素襟

以銅爐家
織奉贈

聊借新詩成別賦英華還向日

邊臨

次韻答昆陵楊古度

兩宋詩篇古墨香刪除幾滌俗人腸

與尊公並有
宋詩之選

一朝

眼界開瓊海甘載心期倚太行

不昭尊公
已廿年矣

正苦雲頭

黃葉邨莊詩集

十六

吹黯淡聊將塵尾共披揚不辭老態催顏甚筆力
還能歷十莊

次韻題蘆雁便面

菰蒲水漲樂灣洄霜雁橫空得得來柔櫓聲中聽
欸乃枯枝蹲處記培塿虛堂同氣千庖共絕塞知
音一信回莫向江湖戀荆棘高飛好傍上林隈

題破鏡重圓圖

銅鏡難花剖零星碎布錢亂離重聚首義比月團

圓

已作他人婦形顏異昔時飄殘紅紫盡重折舊花

枝

感懷絕句七首

冰雪窗櫺透月光
銅尊親炷小宗香
三升已發詩人興
夏屋嫌輕倒大房

金波玉塔與銀船
千古題詩有百千
秋夜憑闌閒把盞
忽逢新月一潸然

炎炎三伏火龍蟠
已過初秋暑未闌
鎮日南風吹不止
舉頭西北望孟蘭

唐人詩句有過孟蘭盆會則天氣漸涼矣

詩品誰題黃葉句
秋來風雨滿邨莊
病餘不盡閒心力
那得高懷並子蒼

唐華邨莊詩後集

十七

越羅楚葛兩婆娑
羽扇雙揮暑氣多
日有蒼蠅夜

白鳥轟騰吮啞奈他何

有月無花還冷落
有花無月欠精神
花殘月暗虛

堂裏一盞油燈伴老人

風花雪月摠飄零
漫道無情勝有情
作隊閨房歸

淨土荒園遍築六如亭

八興真杜鵑花

二十四番花信風
紛綸題句徧寰中
若從俗眼相

區別安石榴花一謎紅

梔子花

挈伴空山採藥行
山磬六出倍多情
翻嫌七七誇奇術
遂使瓊花返太清

禿鷲

漫畫天然性不同
泥沙竝立倚春風
經營一飽非難事
愁殺溪頭老禿翁

次鍾井男竹亭韻

種竹築茅亭清風自怡悅
高賢提屐來朝夕談不輟
春闌柳絮飛霏微點霜
雪進君酒三升爲君開
一說靜趣歸醅朴萬巧
不如拙世俗如汚泥根枝
立高潔舉目覓同心
艱于九肋鱉把卷坐南榮支

戶交游絕

龔業耶莊詩後集

文

附和詩三首

寶芝

瑞州

小圃築宅偏荷鋤
聊自悅繞亭干琅玕清風
來不輟高寒擬孟郊
腸肚恣澡雪烹茶熬玉
版禪味妙難說
會心得句圓笑彼推敲拙
階除落葉繁呼兒助糞
潔亭中讀書人不已
數

雙書

跛鱉行看高韻頡坐令攀躋絕

張藉詩呼
兜掃竹亭

幼讀篋管記心解
神怡悅文畫今窄傳坡文

手不輟直如藐姑仙
肌膚乃冰雪成竹在胸

中法已爲人說
槎芽蘖肺腑不復揣陋拙隄

糜屑既濃鷺溪凍復潔礮礪此亭中泥飲狂
效驚奮筆追所見彭城派未絕

象外恣冥搜忱辭驗怫悅枯坐對此君視聽
有時輟夜闌僮觸屏書幌白疑雪琅玕憂微
風幽境邈難說薄喉吐新句邠復計工拙
澄比清泉披讀塵襟潔昌黎詩清泉潔塵襟余詩如培
遠慚東海鱉戶外遙擲君行見冠纓絕

次丙齋韻

別派分枝總一家衰年筆力肯敵斜未傾廣坐三
升酒且啜虛堂七碗茶令節光陰錢風雨名園草
木護雲霞詩壇莫詫長城在陣脚朝來布五花

黃華都莊詩後集

十一

附原詩

晨起移菊適橙齋使至拜芥茶園柿之惠

走筆賦謝

陳論

舩艫頻來野客家一帆細雨任欹斜蒲筐滿
貯園中柿彩筆封題廟後茶正喜晝眠廻午
夢更宜卯飲散晨霞風光雅稱幽栖意課得
村童菊始花

寶芝讀書閒園次閑旭晨韻示之并柬旭

晨

小戶安能中聖賢追隨空羨酒中仙
隱囊欹側休思睡半臂竒溫定屬綿
種菜笑余仍舊業舉雲望汝着先鞭
朝昏課誦無他術本地風光有閔騫

題顧霖蒼小影次趙伸符太史韻

去年泊舟山寺陰團圍陸博皆同心
笑予小戶怕飲酒牛毛蝸角離塵垢
春殘花樹尚鮮妍高歌把盞恣狂顛
別君忽幾兩載開卷面目仍依然曠
懷不隨時俗換鳴石仙人來作伴若
無妙筆點染圖君形邴得梳風洗雨
輪閒情

答宋念劬二首次原韻

黃葉邴詩後集

三

詩囊藥裹記當年曾載容菴卷册前
種得好花須待價念劬以杭釀成濁酒也稱賢
肥癡我正慚徐浩蘭兒惠

簪最君應擬鄭虔畱取清香霜雪後
歲寒亭畔正鮮鮮

三唐兩宋費營思誰辨推敲一字師
滿眼交遊如夢寐衰年筋力藉扶持
已隨鱸鯉同游泳未許鷓鷀刷羽儀
肯向个中精格律浮聲切響少人知

用寶芝韻送寶林補官滇南

分得雄雌解守溪一甌缸面餞羹齊
弗嫌老子拈花笑還記兒曹攫栗啼
白屋閒身同早晚青雲轉

眼各東西滇中秀色昂霄漢蚤寄家書補舊題

仍叔嶧雲和詩俱風雅可喜再次前韻

豪俊紛紛論遍語溪清江詩派孰能齊家雞野鷺無
區別朗月愁雲浪笑啼偶得新篇鈔研此爲携尊
酒飲城西弗嫌老馬昏岐路炙燭揮毫一品題

次韻畚金颺言

兩宋三唐派絕倫工夫盡處總須真脂膏脫換生
還熟雲霧翻騰傲作新識面未傾千日酒論詩已
其一園春沿溪鐵脚城西路底用奚童再問津

論詩偶成

翁葉邱莊詩後集

五

初學誰知絕句難瀾翻刊本遍寰間半山論與誠
齋合未透唐人第一關

奪胎換骨義難羈詩到蘇黃語益奇一鳥不鳴翻

舊案前人定笑後人癡

鳥鳴山更幽語意高妙一鳥不鳴山更幽便無味矣

年來詩畫重虛名買到殘編價倍增誰識笥藏近

蕭索零丁漆碗揔飄零

晏叔原之妻指書籍爲乞兒漆碗

少陵五字不須刪八表神游意自閒捫蝨挾書吾

輩事青山黃鳥豈相關

攫金弗復笑劉叉友誼紛綸欠等差偶讀范公雙

鳥賦不須更辨碧雲駮

一寸風波一尺天
瀾翻雙槳渡晴川
若於熟處尋生趣
詩思何妨上水船

殘花剩葉點清江
稊米紛紛溢太倉
一字換來無骨力
慚將詩格擬蘇黃

童年曾賦海棠詞
偶遇天隨歎絕奇
誰向西陵尋舊派
小長蘆選得三詩

長慶集中詩話在
夢餘酬唱得新詩
神交往返尋常事
識面無因更足奇

寶應齋未嘗識面夢與余酬唱賦三詩列其集中

子夜前溪各等差
高歌翻出竹枝詞
篔簹箇籥無關涉
何事重叅玉版師

黃葉邨莊詩後集

五

語能達意欠彎環
一段高情未可攀
自有櫻桃同笑語
強將老嫗伴香山

屬對無須語太工
逍遙朗月與清風
冷齋解事勤披拾
未辦酸榴一滴

紅僧覺範齋集前人詩話前後不倫至與山谷應酬皆出傳會可笑也

與陳丙齋顧芝巖
兩親家於虎阜相聚
十六年矣今復團敘
賦此

聯舟情話此山前
鼎鼎雙輪十六年
世事舉頭如夢了
吾儕把手且欣然
老梅盆底香依舊
嫩柳溪邊色已鮮
相約重來同一醉
莫教辜負好春天

次韻答章豈績

詩話滄浪世共稱紛綸後學各爭能欲尋杜若羞
空腹且噉葫蘆笑爛蒸格辨上乘君自足藥醫下
劣我何曾披衣記取湖山寺裘馬應知過五陵

茶具休嫌品別新衰年得友倍情親雙旗過節香
仍好滴乳流泉色轉勻把盞伸眉翻舊案扶藜跛
足現前身玉堂已辦風流句七碗強他蟻蝨臣

醉酒更
苦足疾

渡江作

三老招邀作隊行輕風暖日浪花平挈瓶自汲南
澗水解事難尋李季卿

黃葉邨莊詩集

道中書所見

春風人面隔天涯鬱勃鉤輶度歲華疊石成山如
度朔繞園處處種桃花

竹枝詞

桃花水長儘逍遙早過鴛湖北里橋不學前賢脩
禊事菜羹麥飯並兒曹

余有亡姬之感章豈績太史以詩見慰次

韻二首

舞袖輕携繫短簫烟雲漠漠夢魂遙未傾苦釀腸
先斷快讀新詩意漸消糟壓槎頭香淡遠松圍鷗

脚葉蕭騷扁舟不憚邨莊遠共坐西堂聽雨飄
不做紗籠畫裏人團圞消受四時春涼廳幾扇來
高座香葢堆盤列下陳埽逕暖寒追勝事穿針應
夢記前因雙輪鼎鼎過駒隙老是軒頭剩此身

陸鶴亭赴孝豐廣文任次韻贈之

衰年往返轉荒疎隔歲何曾報尺書羨子功名來
滾滾慚余頽放去如如詩無快友爲酬韻地有名
山好築廬聞說諸生勤課業弗忘帖括愛三餘

遠遊正苦費尋思

林兒補官滇南
數月不得家信

把讀新詩計所之已

黃華邨莊詩後集

三

頰竹轆轤環話竊脂首蒨蕪菁交種處花叢定發
上林枝

曾贈友人詩有莫笑空盤堆
首蒨也勝隙地種蕪菁之句

韓杜南山並北征學誠齋後費屏營

謂張
介山

一關未許

過前輩三絕今應讓後生路入蒼雲追昔夢溪連
畚畫數歸程風流定繼天隨子片語何煩送遠行
青山碧水舊知聞酒釀茶香觸鼻薰力屏西冷刪
俗派功摹北宋張吾軍

尊作全類
具茨集

休嗷大盎堆梁肉

不礙高冠柱惠文枳棘雲霞區別在何妨鵝鷺暫
同羣

舟行戲作二首

扁舟渡聞夜旁皇刺促沿溪血肉香方信江湖多
白鳥當年文字怪豐坊

硯材向數香姜閣銅雀珍藏笑腐儒避暑應知重
冰雪好因新婦覓蜘蛛

丁亥夏日苦旱

睡餘偶記唐人句梅子黃時日日晴水涸桔槔難
着力老農拊手歎餘生

早起

蚤起屏閒事攤書坐小樓黃梅無滴水百舌任啣

啾

黃巢詩後集

三五

題友人觀舞劍器圖次青壇韻

紫羅襪割避風襜老去干將不受銛年少羊欣正
掀舉錦茵舞袖看摻摻

荳腐詩

數年前武陵盧友寄荳腐詩八律意欲
和之藁忽失去今冬家青壇侍御賦截
句十二首霜寒支戶應酬屏絕得盡次
其韻不知與盧詩况味得失相去何如
也

籬邊種荳近南陔結實秋殘滿擔來鹽滷酸漿啜

竭力濕薪破竈弗嫌猜
傳香肯羨連沙椀煮飯惟依折脚鐺不托牢丸同
一飽堆盤莫笑大官烹

辟除腥臊定芬芳五味調和有異方再過西陂容
飽噉細抄食譜載筠廊

宋漫堂中丞得
煮腐法妙絕

穆氏諸昆別酪酥何如朴實得膏腴伸眉暫辨衰

年樂堆椀黎祁興不殊

蜀人名荳腐爲黎祁
見陸放翁戴石屏詩

荒村飲饌笑無多品味難調可奈何煮腐不同包
子局研磨粗糲搥由他

調勺布種得萌芽秋晚涼生雨荳花却笑邨莊無

黃葉邨莊詩後集

揀擇蕪菁萑苴亂如麻

飲噉誰區巧拙分日光高爽更昏昏休嫌淡薄難

收拾八角空中走瓦盆

積雪連朝興不孤老農潑散儘歡娛只求荳麥明

年熟禳祝休忘酒一盃

飢饉殘年歎有無西風葉落往來疎瓦盆滋味誰

區別飽飯摩圍即丈夫

煙霞鐵石搥無分傾蓋相招作主人煮腐蒸羊傾

午酒團圍齊現宰官身

初春同青壇於吳趨晤韓敬一少孫圍
坐皆屬知交庖厨煮荳腐燒羊肉最佳

調和氣色羨肥甘屏當腥羶戒再三莫道厨娘條

理慣淮南妙術幾曾諳
空飯摩鹽手不停眼前白雪間青精紫陽自得閒
中趣肯買虞家醒酒鯖

題寶芝畫扇

南北休分弱與強有花開處便芬芳衰年自得堦
庭樂領取芝蘭一種香

扶持老態一春強十畝荒園百草芳濃雨連旬蠶
事薄沿村難覓豆蘆香

豆蕪碎穢氣最妙諸香不如也

詩韻當年弱鬪強牡丹十絕歛奇芳

五年前曾與無黨九里塘着牡丹各

賦七古其押強字韻妙絕又次子絕句韻十首轉眼開無黨已修文天上其絕句臺漏覓不可得可歎也

滿園徧插尋常

畫堂歌筵新後集

三七

果入座休誇異種香

舟行送家口之河津寄示寶林

老態蕭騷已倦游扶藜何事一登舟五年不見癡
兒面聞說年來半白頭

爲友人寫古詩十九首因題其後

紛紛海內董容臺重壓牛腰聚鞮材三寸羊毛猶
崛強輸贏春草任君猜

次陳丙齋飲晚宜軒韻

隔年別後費尋思村釀留君喜不辭滿地芹莖耶
自設連朝風雨豈相宜閉門屏絕紛紛話支病難

調倡和詩此日者英剛會合鬚眉衰老定期頤

次丙齋飲靜觀堂韻

團坐休區雨與晴卅年舊事記縱橫忽聽雙鶻林
前噪話取羣鷗水上迎開韻定多標外句舉杯弗
忘歲寒盟寧嫌鹵莽為農苦方寸荒畦且力耕

附原詩

留別靜觀堂

陳論

暫破春陰一日晴百壺名酒夜縱橫簪裾並
集忘賓主衡宇相望簡送迎

邑中親知並居而
相距不逾咫尺

息

影固宜依竹坐

書齋類
曰坐竹

閒情正合與鷗盟漢庭

黃葉邨詩集

天

早已思黃綺未許東皋學耦耕

留別晚宜軒

一笑相看慰夢思平原十日不教辭花鬚柳
眼畱春久簾閣篝燈坐晚宜喜與故人頻對
酒嬾聞時事只題詩歸橈餉我多珍味携入
山厨盡朵頤

附和詩

次丙齋過語溪留別韻

勞之辨

介巖

苦雨連旬暫放晴客來屐齒響縱橫初歸倦
把蓬門掃久別忙披野服迎幾載相思煙樹

結一朝重話水雲盟從今白首同君老種秫
鋤瓜買犢耕

次丙齋留別晚宜軒韻

信宿陪君慰我思啣杯未肯遽言辭落花覆
屋春將半細雨挑燈晚最宜豈意歸田焚草
日重看出塞紀行詩

壁間有余戊子夏出口詩

一生飽啖黃梁

飯索絕儒冠祇控頤

次東坡橄欖詩韻

嗜藥香泉小注鹽再傾青果味清嚴衰年滋味全
區別不怕酸辛却怕甜

曹素卿詩後集

无

次寶芝種花韻

地脉周遭護水鄉延陵團集在南陽只求厚德存
家法不愛閒花種國香瘠產尚同殘冊在衰年留
與聖恩長隱囊徙倚南榮坐領畧清芬伴曉妝

附原詩

草堂種蘭花水仙家大人話先大夫手植

此二花極茂賦呈家大人

寶芝

十年躑躅滯江鄉手荷長鏡灌夕陽空谷秋
深芳可掇寒巖春到玉生香三間老屋槐陰
舊一飯金齏日影長世德自來耕與讀肯隨

桃李倩新妝

黃葉邨莊詩後集

黃葉邨莊詩後集

三

黃葉邨莊詩後集

桃李倩新妝

先六世祖孟舉先生自編黃葉邨莊詩八卷又續
集一卷後集一卷則五世祖武岡公及五世叔祖
瑞草公所輯板藏家塾閱二百年庚申之變付之
一炬康壽兄弟避亂滬上購得印本欲謀重葺而
力有未暇閱數年服官于吳稍有俸入復構祠宇
乃以此本付梓人又黃葉邨莊圖冊及國初巨
公題種菜詩原本經同邑蔡硯香廣文刻石者亦
以重資購得復得漁洋鈍翁諸老送行詩墨迹竝
附于末先生學行箸海內無俟論述獨是數百年
手澤經兵火蕩析之餘巋然尚存若有神物護持
俾得再葺以餉後學則誠小子之所浚幸也工既
竣謹書緣起于卷尾

光緒四年正月

六世孫康壽謹志

